



KEMENTERIAN TENAGA DAN SUMBER ASLI

# KERATAN SURAT KHABAR

SURAT KHABAR	:	HARIAN METRO			
TARIKH	:	6/9/2021 (ISNIN)	MUKA SURAT	:	21
JABATAN	:	PERHILITAN			



KAKITANGAN Perhilitan menyerbu sebuah kediaman di Georgetown, Pulau Pinang yang menyimpan pelbagai spesies haiwan dilindungi.

## Burung **RM25k** seekor

Staf Perhilitan pecah masuk rumah rampas spesies hidupan liar

Oleh Mohd Jamilul Anbia Md Denin  
anbia@hmetro.com.my

### Putrajaya

Jual labah-labah berbisa Tarantula pada harga RM350 seekor manakala ular sawa Ball Python ditawarkan pada harga RM3,000 di pasaran gelap. Itu antara kegiatan haram dilakukan seorang lelaki berusia 28 tahun yang ditahan anggota Jabatan Perlindungan Hidupan Liar dan Taman Negara (Perhilitan) susulan risikan dilakukan terhadap sebuah ke-

diaman di Georgetown, Pulau Pinang. Ketua Pengarah Perhilitan Semenanjung Malaysia, Datuk Abdul Kadir Abu Hasim berkata, serbuan dilakukan tujuh kakitangan Unit Penguatkuasaan Jabatan Perhilitan Pulau Pinang jam 10 malam kelmarin. "Ketika serbuan dilakukan, pasukan penguatkuasa terpaksa memecahkan pintu kediaman untuk memasuki rumah berikutan suspek enggan memberi kerjasama. Hasil penggeledahan dilakukan, kami menemui pelbagai spesies hidupan

liar dilindungi yang dipercayai diseludup masuk ke negara ini untuk dijadikan haiwan peliharaan. "Antara haiwan ditemui adalah lapan ekor burung spesies Moluccan Cockatoo, Umbrella Cockatoo dan Long-tailed Chinchilla," katanya. Menurutnya, burung bukan spesies tempatan ini dijual pada harga antara RM10,000 hingga RM25,000 seekor. "Turut dirampas 10 ekor ular sawa, pelbagai spesies katak, mantis, 255 ekor labah-labah Tarantula dan 10 ekor kala jengking.

"Lelaki yang ditahan itu gagal menunjukkan dokumen atau surat kebenaran yang sah bagi menyimpan semua hidupan liar itu. "Susulan itu semua hidupan liar berkenaan dirampas dan suspek disiasat mengikut Akta Pemuliharaan Hidupan Liar 2010 (Akta 716). Dianggarkan semua hidupan liar dirampas itu bernilai sekitar RM141,900," katanya. Beliau yakin suspek berpengalaman dalam kegiatan menyeludup dan menjual pelbagai spesies haiwan liar untuk dijadikan haiwan peliharaan.